



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0027094 25
Sarajevo, 11.09.2025.godine

SUD BOSNE I HERCEGOVINE
- Sudiji za prethodno saslušanje –
SARAJEVO

-pritvor-

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

О П Т У Ж Н И Ц У

PROTIV:

YONG ZHANG, rođen 1983.godine u mjestu Liaoning, NR Kina, državljanin NR Kina.

Što je:

U vremenskom periodu tokom februara mjeseca 2025.godine, pa sve do juna mjeseca 2025.godine, na području Bosne i Hercegovine, zajedno sa njemu poznatim licem iz Vijetnama, a sve radi ostvarivanja zarade od pružanja seksualnih usluga stranih državljanke, navodio i podsticao više osoba sa područja Kine, među kojima su državljanke NR Kine „(...)“, „(...)“, „(...)“, „(...)“, „(...)“, „(...)“ i „(...)“, da pružaju seksualne usluge za klijente i to u Mostaru, Sarajevu, Doboju i Banja Luci, na način da je Yong Zhang po prethodnom dogovoru sa njemu poznatim licem iz Vijetnama, navodio i podsticao više državljanke NR Kine da pružaju seksualne usluge klijentima u Bosni i Hercegovini i za tu uslugu primajući novac od klijenata, pa je tako učestvovao u organizovanju pružanja seksualnih usluga osoba stranih državljanke u Bosni i Hercegovini, tako što je zajedno sa njemu poznatim licem iz Vijetnama, stupao u kontakt sa istima, nudio im i podsticao da pružaju seksualne usluge za novac, a zatim organizovao njihov smještaj u stanovima na području Mostara, Sarajeva, Doboja i Banja Luke, vršio njihov prevoz iz Republike Srbije u Bosnu i Hercegovinu u iznajmljene stanove na području Mostara,

Sarajeva, Doboja i Banja Luke, te pronalazio klijente državljanke NR Kine koje je prethodno naveo da se bave pružanjem seksualnih usluga za novac, koristeći kreiranu grupu za komunikaciju na aplikaciji WECHAT, da bi pri tome od istih uzimao dio zarađenog novca koje bi one dobile od klijenata kroz pružanje seksualnih usluga u Bosni i Hercegovini, a u kojoj iste nemaju prebivalište, niti su državljani BiH, već se radi o stranim državljanke NR Kine među kojima su „(...)“, „(...)“, „(...)“, „(...)“, „(...)“, „(...)“ i „(...)“, da bi ove aktivnosti pružanja seksualnih usluga stranih državljanke, a u organizaciji Yong Zhanga i njemu poznatog lica iz Vijetnama, bile otkrivene u međunarodnoj akciji Global Chain 2025., koja je vođena u periodu od 01.06.2025.godine do 06.06.2025.godine, gdje su tom prilikom državljanke NR Kine koje su pružale seksualne usluge pronađene u provedenim pretresima od strane policijskih službenika PU Doboja, FUP Sarajevo i Službe za poslove sa strancima i to u Sarajevu „(...)“, „(...)“, „(...)“, „(...)“ i „(...)“, te u Doboju „(...)“ i „(...)“, dok je Yong Zhang pronađen u Doboju i predat u nadležnost Službe za poslove sa strancima, a zatim lišen slobode dana 24.06.2025.godine od strane policijskih službenika FUP Sarajevo.

Dakle zajedno sa njemu poznatim licem navodio i podsticao, te organizovao pružanje seksualnih usluga više osoba stranih državljanke u BiH, a sve radi sticanja zarade.

Čime je počinio krivično djelo Međunarodno navođenje na prostituciju iz člana 187.stav 1. KZ BiH, u vezi sa članom 29. istog zakona.

TUŽILAC
TUŽILAŠTVA – TUŽITELJSTVA BiH